

140. löggjafarþing 2011–2012.
Þingskjal 511 — 345. mál.
2. umræða.

Nefndarálit

um frumvarp til laga um breytingu á lögum um vitamál,
nr. 132/1999, með síðari breytingum.

Frá meiri hluta umhverfis- og samgöngunefndar.

Nefndin hefur fjallað um málið og fengið á sinn fund Friðfinn Skaftason frá innanríkisráðuneytinu.

Frumvarpið felur í sér hækkun vitagjalds í samræmi við verðlagsbreytingar frá síðustu hækkun gjaldsins, um 5% í 136,62 kr., og að lágmarksgjald verði einnig hækkað um 5%, þ.e. í 5.145 kr. úr 4.900 kr. Gjaldtakan snertir skip sem sigla við strendur landsins og hafa viðkomu í höfnum landsins. Gjaldtökunni er ætlað að standa straum af kostnaði við rekstur og framkvæmdir á vegum Siglingastofnunar Íslands.

Meiri hlutinn áréttar mikilvægi þess að gjaldskrár séu uppfærðar reglulega í samræmi við verðlagsþróun. Vitagjald var síðast hækkað árið 2009 en þá hafði það ekki hækkað í sjö ár, sbr. lög nr. 142/2002. Meiri hlutinn vill einnig gera athugasemd við málsmeðferð frumvarpsins. Hinn 6. desember sl. var frumvarp til fjárlaga 2012 samþykkt sem lög á Alþingi en þar er gert ráð fyrir þessum auknu tekjum til handa ríkissjóði. Meiri hlutinn bendir á að hækkanir á gjaldtöku eins og frumvarpið felur í sér eiga að fá faglega umfjöllun hjá þeirri nefnd sem málinu er vísað til áður en það er samþykkt í fjárlögum næsta árs.

Þór Saari áheyrnarfulltrúi er ekki samþykktur álit þessu.

Meiri hlutinn leggur til að frumvarpið verði **samþykkt óbreytt**.

Alþingi, 12. desember 2011.

Guðfríður Lilja Grétarsdóttir,
form., frsm.

Ólína Þorvarðardóttir.

Þuríður Backman.

Mörður Árnason.

Róbert Marshall.

Atli Gíslason.

